

Acta da sesión extraordinaria de data 18 de novembro de 2016 Pleno infantil do Concello de Moeche

Na Casa do Concello de Moeche, ás 12.00 horas do 18 de novembro de 2016, ten lugar a sesión extraordinaria do Pleno infantil, ao que asiste o alumnado de educación primaria do CEIP San Ramón, o seu profesorado e **Diego Rodríguez**, en representación de **Unicef Galicia**, baixo a presidencia da alcaldesa, Beatriz Bascoy Maceiras, e actúa como secretario xeral, **Adrián Fernández Orjales**.

Actúan como voceiras e voceiros dos seus cursos as seguintes persoas:

- **Alberto Fernández Graña (1º)**
- **Erika Freire Permuy (2º)**
- **Tomás José González Yáñez (3º)**
- **Asier Ramil Martínez (4º)**
- **Marta Mera Lois (5º)**
- **Noel Folgueira Beceiro (6º)**

Inicia a sesión a alcaldesa dándolles a benvida á Casa do Concello a todos os presentes e animándoos a participar coas súas propostas no seu concello. A continuación o secretario toma nota dos diferentes representantes de cada curso.

1 Intervención e proposta do representante de 1º curso.

Alberto Fernández Graña expón a proposta elaborada polo seu grupo de 1º de educación primaria que di que consiste en establecer un sistema de “bicicletas públicas” e manifesta que non teñen porque ser gratuítas.

2 Intervención e proposta da representante de 2º curso.

Erika Freire Permuy manifesta que o seu grupo propón como complemento á idea expresada polo seu compañeiro Alberto, que se estableza un carril –bici desde a escola ata o parque do Concello ou a feira.

3 Intervención e proposta do representante de 3º curso

Tomás José González Yáñez traslada as propostas do seu grupo que se concretan na necesidade de mellorar ou amañar o parque municipal situado ao lado da Casa do Concello así como as goteiras do pavillón municipal.

4 Intervención e proposta da representante de 4º curso

Asier Ramil Martínez presenta a petición do seu grupo de instalar unhas porterías no campo de fútbol 7 que hai ao lado do pavillón municipal e que o portalón de acceso permaneza aberto para poder xogar polas tardes e en época de vacacións.

5 Intervención e proposta da representante de 5º curso

Marta Mera Lois indica en nome do seu grupo que agradece a posibilidade que se lles ofrece de participar no Concello e que están contentos polas obras que se fixeron no patio da escola pero que solicitan que, cando se poida, se mellore o que queda de patio. Solicita que se amplíe oferta de escolas deportivas, sobre todo, de fútbol para que as nenas e nenos non vaian xogar a equipos doutros concellos.

6 Intervención e proposta do representante de 6º curso

Noel Folgueira Beceiro presenta como proposta que se limpen as pistas e se poñan máis luces

Rematadas as intervencións dos representantes dos nenos e nenas, toma a palabra a alcaldesa, que agradece a participación e o traballo realizado para chegar todos e todas a acordo e presentar propostas acordadas polo alumnado.

Comenta a alcaldesa que o Concello realiza asembleas veciñais nas parroquias desde hai un ano, nas que veciñas e veciños colaboran coas súas propostas para o concello e para a súa respectiva parroquia, pero que é certo que nesas asembleas se recolle a opinión dos adultos e non o interesante punto de vista dos máis novos, que tal e como se veu aquí, é ben diferente o que vos preocupa como nenos e nenas que sodes. Comprométese a alcaldesa a sumar estas propostas ás das asembleas veciñais e en función dos recursos económicos, das necesidades e prioridades, a levar a cabo progresivamente todas as que se poidan.

Solicita dos participantes que acheguen as súas propostas de títulos de libros e de películas para mercalos para a biblioteca pública e animalos a utilizar a caixa de correo que hai instalada na entrada da Casa do Concello para deixar alí as súas achegas.

Remata a intervención da alcaldesa co compromiso de crear o Concello Local da Infancia en Moeche e agradecendo a todos e todas o seu traballo, así como a colaboración do profesorado e moi especialmente a participación de Diego Rodríguez, representante de Unicef Galicia, xa que sen el este Pleno non tería lugar e quen promove a participación de nenos e nenas no presente e futuro dos Concellos.

Remata esta sesión extraordinaria ás 12.50 horas da que o secretario redacta esta acta e asinan el e a alcaldesa



Adrián Fernández Orjales



